


ՄԱԿԱԿԱՆ  
ԳՐԱԴԱՐԱՆ

ՄԱԿԱԿԱՆ



858

Ա - 52

Թիր 11

ՏԱՐԱԲԱՑԻՆ ԱՐԺԱՆԻՔ  
ՏԱՐՈՂՅԻ ԴՐԱՑԱՆԵՐ  
ՏԱՐԱՐԻ ԱՆԱՊԱԿԵ

146

10



ԲԱԺԱՆՈՐԴԱԳՐՈՒԹԻՒՆ ԵՒ ՀԱՏՎԱԾԱՌԱՅ

ՌՈՒՄԱՆԻՈՑ ՄԷՋ ԴԻՄԵԼ

- ՊՈՒԲՐԵՇ՝ ա) «Մասիս»ի քարտուղարութեան՝ Bdul Maria, 8 Հ-5-8-ը  
բ) «Արագ»ի եւ «Հայ Մամուլ»ի խմբագրութեանց  
դ) Պ. Յ. Ճգնաւորեանի B. P. 489

ԳՈՆՍԹՈՒՑԱԿ՝ Պ. Արսէն Տէյիրմէնճեանի Str. Stefan cel Mare, No. 60

ՊԱԶԱՐՁԵՐ՝ Պ. Նազարէթ Գազաղեանի Str. Alex. Ion Cuza, No. 38

ՍԻԼԻՍՏՐԱԿ՝ Պ. Խաչատուր Եգանեանի Str. Gen. Istrate, No. 8

ՓԼՈՒՇՏ՝ Պ. Նշան Մականեանի Str. Pantofari, No. 6

ԿԱԼՈՅ՝ Պ. Ա. Միսաքեանի Str. Sf. Spiridon No. 28

853  
Ա-52

30 MAY 2011

U 6 AUG 2010

«ՄԱՍԻՍ» Ռ-ՀԱՅ ՀՐԱՏ. ԱՆԱՆ. ԸՆԿԵՐՈՒԹԻՒՆ  
ՄԱՆԿԱԿԱՆ ԳՐԱԴԱՐԱՆ ԹԻՒ 11

ԷՏՄՈՆԹ ՏԱՄԻՉԻՒ

## ՔԱՂԱՔԱՅԻՆ ԱՐԺԱՆԻՔ

## ՏԱՐՈՆՑԻ ՓՈՔՐԻԿ ԴԻՒՑԱԶՆԸ

ՔԱԶԱՐԻ ԱՆԱՌԱԿԸ



„MASIS“  
SOCIETATE ANONIMA DE EDITURA  
CAPITAL SOCIAL LEI 500.000  
SEDIUL — BUCUREŞTI — Bdul MARIA No. 8 Etaj II

Տպարան „Ասորյան“ Օ. Մարգարեթի  
Բիբլոր Լուսիան 14 Պուրելու

1935



## ՔԱՂԱՔԱՅԻՆ ԱՐԺԱՆԻՔ

Ուսուցչին հետ քաղաքապետարան գացինք,  
տեսնելու համար, քաղաքային արժանիքի շքադրա-  
մին տրուիլը՝ այն տղուն՝ որ իր ընկերը ազատած էր  
ֆո գետէն :

Քաղաքապետարանի ճակատի պատշգամին վրայ  
կը ծածանէր եռագոյն մեծ դրօշ մը :

Մտանք պալատին բակը :

Արդէն բազմութիւնը լեցուած, խոնուած էր  
հոն : Խորը կը տեսնուէր կարմիր սփոսով սեղան մը,  
վրան թուղթեր և ետեւը՝ շատ մը ուկեզօծ թիկնա-  
թուններ որոնց վրայ պիտի բազմէին քաղաքապետն ու  
խորհրդականները : Քաղաքապետարանի բարապանները  
հանդիսաւոր կերպով կեցած էին հոն՝ կապոյտ ներք-  
նակներով և ճերմակ գուլպաններով : Գաւիթին աշա-  
կողմը, մետաղներ կրող քաղաքապահ զօրքերու վաշտ  
մը և մաքսային պահապաններու խումբ մը շարք էին  
կազմած . միւս կողմը ջրհանկիրները՝ տօնական տա-



ըաղով, և շատ մը խառն զինուորներ՝ հեծելազօրքերու, արձակամարտներու, ոմբաժիգներու որոնք եկած էին հոն դիտելու համար: Յետոյ խուռն բազմութիւն ազնուական և ժողովրդական մարդերու, սպաներու, կիներու և տղաներու որոնք եկած էին տեսնելու փառքը ազատարար պատամիին:

Մենք տեղաւորուեցանք այնտեղ ուր վարժարաններու աշակերտներ կեցած էին: Տասնէն տասնեռութը տարեկան խումբ մը տղոց բարձրածայն խօսակցութիւններէն կը հասկցուէր որ անոնք Փոյի արուարձաններէն՝ մետալ ստացող տղուն ծանօթներն ու ընկերներն էին:

Քաղաքապետարանի բոլոր պաշտօնեաները կեցած էին վերի բոլոր պատուհաններուն առջեւ, գրատունի օթեակն ալ իցուած էր բազմութիւնով, իսկ անոր դիմացի օթեակը ասեղ ձգելու տեղ չէր մնացած թաղային դպրոցներու աղջիկներէն. շատ մը զինուորականներու աղջիկներ գեղեցիկ կապոյտ քողեր առած էին վրանին: Սքանչելի հանդիսաւորութիւններով թատրոն մըն էր կարծես: Ամէնքը անհամբեր և անձկութիւնով կը նայէին կարմիր ծածկոցով սեղանին սպասելով կատարուելիք արարողութեան: Երաժշտական խումբը մեղմօրէն կը նուազէր գաւիթին խորը, արեւը ցաթած էր բարձր պատերուն վրայ: Գեղեցիկ էր տեսարանը:

Յանկարծ գաւիթէն, օթեակներէն և պատուհաններէն սկսան ծափահարել ամէնքը:

Աւելի լաւ տեսնելու համար ոտքիս ծայրերուն վրայ բարձրացայ՝ լարուած ուշադրութիւնով:

Կարմիր սեղանին ետեւը խոնուած ամբոխը լարգալիք անցք մը կը ձեղքէր ճամբայ տալու համար

մարդու մը և տիկնոջ մը՝ որոնք տղու մը ձեռքէն բռնած կը յառաջանային յամրաբար:

Իր ընկերը խեղդուելէն ազատող տղան էր:

Մարդը, հայրը անոր, որմնադիր մընէր, տօնական զգեստ հազած, իսկ կինը, իր մայրը, կարձահասակ ու խարտեաշ, սեւ զգեստ ունէր: Տղան ալ մօրը պէս խարաեաշ ու փոքր էր՝ գորշ զգեստներով:

Հայր, մայր ու զաւակ, տեսնելով այդ ահազին բազմութիւնը և լսելով խլացնող ծափահարութիւններն ու կեցյէներու աղաղակները, ըոպէ մը քարացած կեցան յուզումի մէջ, նայուածքնին դէպի վար ու անշարժ:

Բարապան մը դէպի աջակողմեան աթոռը առաջնորդեց գանոնք:

Վայրկեան մը լուռ մնալէ յետոյ ամբոխը կը կին սկսաւ ուժգին ծափահարութիւններու: Տղան դէպի վեր պատուհաններուն նայեցաւ, զիսարկը ձեռքին մէջ բռնած, ուր ըլլալը չգիտցողի շուարած վիճակ մը ունէր:

Մեր մօտը կեցող • Փոյի արուարձանի տղաքը կը կարկառուէին, շարժուձեւեր կ'ընէին անոր և կը կանչէին ցած ձայնով, — Փին Փին, Փինօթ: — Յարատեւ կանչելով, լսել տուին վերջապէս: Տղան իրենց նայեցաւ և ժպիտը ծածկեց զիսարկին տակ:

Որոշուած վայրկեանին պահակազօրքերը կեցան պատրաստ:

Քաղաքապետը ներս մտաւ՝ շատ մը պարունակու հետ:


Քաղաքապետը, բոլորովին սպիտակ, եռագոյն լայն զօտին մէջքը, աթոռին առջեւ կեցաւ ոտքի

վրայ, իսկ միւսները՝ երկու քովերն ու ետեւը ։  
Նուազախումբը դադրեցուց երգը, քաղաքա-  
պետը նշան մը ըրաւ, լոեցին ամէնքը :

Սկսաւ խօսիլ : Լաւ չլսեցի իր առաջին խօսքե-  
րը, բայց հասկցայ որ տղուն քաջագործութիւնը կը  
պատմէր հանդիսականներուն : Յետոյ իր ձայնը բարձ-  
րանալով, որոշ և հնչուն, տարածուեցաւ բոլոր գա-  
ւիթին վրայ, այլեւս ոչ մէկ բառ չկորսնցնելով հասկը-  
ցայ ամէնքը : — .Երբ եղերքէն տեսաւ իր ընկերը  
որ այլեւս իր լողալու չափն ու ձեւը կորսնցուցած  
թալ թալ կը խազար արդէն մահուան վտանգին մէջ,  
իսկոյն հանեց զգեստները և առանց վարանելու վա-  
զեց զէպի ջուրը : — Մի երթար, կը խեղզուիս, կը պո-  
ռային իրեն, բայց կարեւորութիւն չտուաւ այդ կո-  
չերուն, վազեցին, բռնեցին զինքը որ ետ կեցնեն իր  
դիտաւորութենէն, ձեռքերնէն փախաւ, անունովը  
կանչեցին, ինք արդէն նետուած էր ջրերուն մէջ :

— «Ուռած, կատղած էր գետը, սոսկալի բան էր  
պայքարի անոր ուժերուն դէմ նոյնիսկ մեծ մարդու  
մը համար, բայց ինք իր փոքր մարմնին և մեծ սրտին  
բոլոր թափովը դիմազրաւեց մահուան . հասաւ, բռնեց  
դժբաղզը այն րոպէին երբ արդէն ջուրին տակը կ'իջ-  
նէր, վեր քաշեց զայն, կոռւեցաւ կատղած ալիքնե-  
րուն հետ որոնք կը ջանային պարուրել և ընկլուզել  
ինքն ալ իր առարկային հետ : Քանի մը անզամ կոր-  
սուեցաւ կոհակներուն տակ, ընկերը կը ջանար իրեն  
փաթթուիլ և անզիտակցօրէն խանգարել իր ազատա-  
րարին ճիգն ու ուղղութիւնը, բայց ինքը պահեց պա-  
ղարիւնութիւնն ու գիտակցութիւնը նորէն դուրս գա-  
լով ջրերուն տակէն և յանդուգն ճիգերով յամառեցաւ իր  
սուրբ նալատակին մէջ, ոչ թէ տղու մը այլ մեծ մար-

դու մը, հօր մը պէս որ կը մաքառի իր միակ որդին,  
իր յոյն ու կեանքը փրկելու համար :



Վերջապէս Աստուած չթողուց որ ապարդիւն  
մնայ այս տեսակ վեհանձն արիութիւն մը : Խողացող  
տղան հսկայ գետէն խլեց զոհը՝ ցամաք բերելով զայն :  
Գետափին վրայ ինքզինքը գտնելու և իր յոզնած  
շունչն ու անդամները կազմուրելու մասին չխորհեցաւ  
բնաւ, ուրիշներուն հետ միացած աշխատեցաւ  
անոր առաջին դարմանումին, յետոյ միս մինակը վե-  
րադարձաւ տուն՝ պարզամիտ կերպով իր ըրածը  
պատմելու համար ծնողներուն :

— «Պարոններ : Գեղեցիկ, յարգելի է մարդուն դիւ-  
ցազնութիւնը : Սակայն տղուն մէջ, ուր ոչ մէկ փա-  
ռասիրութիւն կամ շահախնդրութիւն բոյն չէ դրած  
տակաւին, աստուածային է դիւցազնութիւնը : Որով-  
հետեւ տղուն ուժերը յանդգնութիւն չեն ներշնչեր  
իրեն, բան մը չենք սպասեր տղէն, զերծ է ան պար-  
տականութենէն : Տղան արդէն աղնիւ և սիրելի կ'ե-

բեւայ մեզի երբ միայն ըմբռնէ ու ճանչնայ ուրիշին զոհողութիւնը։ Զեմ ուզեր աւելորդ գովեստներ շոայլել այսպիսի պարզ մեծութեան մը վրայ։ Ահաւասիկ հո՛ս ձեր առջեւ կը գտնուի քաջասիրտ ու ազնիւ ազատարարը։ Զօրականնե՛ր, ողջունեցէ՛ք զի՞նքը իբրեւ եղայր մը, մայրե՛ր, օրհնեցէ՛ք զէնքը իբրեւ որդի մը. տղա՛ք, մի մոռնաք իր անունը, ձեր մտքին մէջ լաւ դրօշմեցէ՛ք իր դէմքը որ չնչուի երբեք անիկա ձեր յիշողութենէն և սրտէն։

—«Առաջ եկուր, տղայ։ Յանուն իտալիոյ թագաւորին կու տամ քեզի քաղաքային արժանիքներու մետալը։

Բազմաթիւ բերաններէ ժայթքած կեցցէ՛ մը թնդալով արձագանգեց բովանդակ պալատը։ Քաղաքակետը մետալը սեղանին վրայէն առնելով կտիսեց տղուն կուրծքը։ Յետոյ գրկեց զայն ու համբուրեց։

Մայրը աշքերուն տարաւ ձեռքը, իսկ հայրը վար կախեց իր գլուխը։

Քաղաքապետը սեղմեց երկուքին ալ ձեռքերը և գեղեցիկ ժապաւէնով մը կապուած շքանշանին հրամանագիրը յանձնեց ազատարար տղուն մօրը։

Յետոյ տղուն դառնալով ըստաւ. — Քեզի համար փառաւոր ու քու ծնողքիդ համար երջանիկ այս օրուան յիշատակը թող բոլոր կեանքիդ մէջ պահէ քեզ առաքինութեան և պատուոյ ճամբռն մէջ։ Երթաս բարով։

Քաղաքապետը գուրս ելաւ, երաժշտախումբը նուագել սկսաւ, և ամէն բան աւարտած էր կարծես երբ ութէն ինը տարեկան տղայ մը կնոջմէ մը առաջ մղուելով ջրհանկիբներու վաշտը ձեղքեց և խոյացաւ.

դէպի շքանշանով վարձատրուած տղուն, ու գիրկընդիւանուեցաւ անոր հետ։


Կրկին թնդաց գաւիթը կեցցէներու և ծափերու ձայներով, ամէնքը հասկցած էին ամիջապէս թէ ֆօգետէն փրկուած տղան էր որ կու զար հանդիսաւոր կերպով շնորհակալութիւն յայտնել իր ազատարարին։ Յետոյ զայն համբուրելէ վերջ, անոր թեւը մտնելով միասին քալեցին դէպի դուրս։ Երկուքը առջեւէն, հայրն ու մայրը ետեւէն ուղղուեցան դէպի դուռը։ Իրենց անցքին ճամբայ կը բանային զօրականներն ու պահապանները, իսկ բազմութիւնը դէպի առաջ կը նետուէր և ոտքի ծայրերուն վրայ կ'երկննար տեսնելու համար ազատուած և դիւցազն պատանիները։ Անցքին մօտը գտնուողները անոր ձեռքերուն կը դիցնէին ձեռքերնին, և երբ կ'անցնէր դպրոցականներու առջեւէն ամէնքը գիխարկնին օդին մէջ շարժելով կեցցէ պուացին քանի մը անգամ։ Իսկ Փոյի արուարձանինները մեծ ազմուկով տղուն թեւերէն և զգեստէն քաշըշեցին գոչելով, — Փի՛ն, կեցցէս Փին։

— Ճիշդ իմ առջեւէս անցաւ։ Բոլորովին կարմրած էր երեսը գոհունակութենէն, մետալին ժապաւէնը ձերմակ, կարմիր ու կանանչ էր։ Իր մայրը կուլար ու կը ժպտէր, հայրը պերեւեշտը կ'ոլորէր մէկ ձեռքով որ յայտնի կերպով կը դողըղպար ջերմ ունեցողի պէս։

Պատուհաններէն ու օթեակներէն ծափեր ու կեցցէներ կը տեղային։ Այն պահուն երբ գաւիթին տակ պիտի մտնէին զի՞նուորականներու աղջիկներուն օթեակէն՝ ծաղիկներու, մտնուշակի և մարգարտածաղկի փունջերու տարափ մը թափեցաւ վար, տրղուն, հօրը և մօրը գլուխներուն վրայ։ Շատերը

շտապեցին ժողուել գետին ինկած ծաղիկները և սառ  
տղուն մօրը :

Իսկ անդին, գաւիթին խորը, երաժշտախում-  
բը հանդարտ կերպով ամէնազեղեցիկ եղանակ մը կը  
նուազէր, նման այն անթիւ արծաթեղէն ձայներուն  
որ հետզհետէ կը նուաղին, դանդաղ հեռանալով գե-  
տեղերքէ մը :



## ՏԱՐՈՆՑԻ ՓՈՔՐԻԿ ԴԻՒՑԱԶՆԸ



Ճակատամարտի միջոցին մեր բանակի հետե-  
ւակազօրքէն վաթսունի չափ զինուորականներ զըր-  
կուած էին զրաւելու համար բարձունքի մը վրայ  
առանձին շինուած տուն մը որուն զիրքը կ'իշխէր  
թշնամիին ձեռքը եղող բաւական մեծ տարածու-  
թեան մը վրայ։ Տարաբաղդաբար սակայն մերինները  
յանկարծ յարձակման ենթարկուելով թուրքերու  
կողմէ, հաղիւ ժամանակ ունեցան ապաստանիլ տան  
մը մէջ, դաշտին վրայ քանի մը մեռած ձգելէ յե-  
տոյ։

Կարկուտի պէս կապար կը տեղացնէին թուր-  
քերը այն տան վրայ որուն դռները լաւ մը վակելէ  
մերջ երկու յարկերու պատուհաններէն կը կրակէին  
մերինները թշնամիին վրայ։

Թշնամիին հետզհետէ մօտենալով կիսաբոլոր  
շրջանակ մը կը կազմէր տանը շուրջը՝ միշտ աւելի  
սաստկացնելով գնդակներու կարկուտը։ Մերիննե-


բուն կը հրամայէին երկու ենթասպաներ և գնդապետ մը , երկայնահասակ , նիհար , արեւէն սեւցած ու խանձած դէմքով , իրենց հետ կար նաեւ Տարօնցի թմրկահար մը , տասնևչորսէն տասնեհինգ տարեկան , բայց մանրուք մնացած փոքրիկ մը , երկու սեւուլիկ խոշոր , կրակոտ աչքերով , ժիր ու վառվուն :

Գնդապետը վերի յարկէն հրամաններ ընելով կը վարէր կոիւր , իր թելադրութիւնները չոր և վճռական էին իր արտայայտութեան պէս : Տարօնցի տղան աթոռակի մը վրայ ելած , վիզը կ'երկարէր աւելի լաւ նշմարելու համար թշնամիին շարժումները : Կրակի և կապարի փոթորկին մէջէն կը նշմարէր ան թուրք զինուորներու բազմութիւններ որոնք հետպհետէ կը յառաջանային դէպի տնակը :

Այդ տունը շինուած էր գահավէժի մը ծայրը , և զպոխվայրին վրայ բարձրադիր պատուհան մը միայն ունէր : Թուրքերը չէին կրնար հարուածել այդ կողմէն , մինչզեռ ճակատէն և երկու քովերէն զժոխային կրակ կը տեղար շարունակ : Ոչ ապակի էր մնացած ոչ առաստաղ , բոլորը ջարդ ու փշուր , պատերը ծակծկած , շատ տեղ բացուածքներով խարխլած , կղմինտրները արձակուած կապարներէն կոտրտուած , թոցուած , և ամբողջ տան ներսն ու դուրսը փոշիի թանձր ամպով մը պատած :

Մերիններուն թիւր կը քիչնար հետպհետէ , որովհետեւ նշանառու զինուորները յանկարծ թշնամիէն գնդակ ընդունելով կ'իյնային կոնակի վրայ , մեռածը այս կողմը քաշելով ուրիշ մը կը բռնէր անոր տեղը , որը ճակտէն զարնուած էր , որը բազուկէն , ոմանք իրենց վէրքերու ցաւի սաստկութենէն վեր վար կը վազէին խենթերու պէս . և ո-

մանք ալ կը տքային հոգեվարքի մէջ : Մինչ այս մինչ այն կը սեղմուէր թշնամիներու կիսաբոլորակը :



Գնդապետը սկսաւ անհամագոտութեան արտայայտութիւններ ընել , վճռական քայլերով դուրս ելաւ սենեակէն և յիսնապետին բաներ մը ըսելով բարձրացաւ ձեղնայարկը : Յիսնապետը անմիջապէս Տարօնցի տղուն գատնալով նշան ըրաւ անոր որ իրեն հետեւի , տղան վազելով հետեւեցաւ յիսնապետին և երկուքը միասին մտան ձեղնայարկի այն սենեակը ուր գնդապետը լուսամուտին կոթնած արագ արագ բաներ մը կը գրէր թուղթի կտորի մը վրայ :

Գնդապետը թուղթը ծալեց , իր ցուրտ ու սեւ բիբերը տղուն ուղղելով ըստու :

— Թմրկահա՛ր :

Տարօնցի տղան ճակտին տարաւ . ձեռքը :

Գնդապետն ըստու . — Դուն արիասիրտ հայորդի մըն ես :

Տղուն աչքերը կրակ էին կտրած :

— Այո՛, պարոն գնդապետ, — պատասխանեց :

— Հո՞ն, վար նայէ՛, — ըսաւ գնդապետը, դէ-պի լուսամուտ ուղղուելով, — նայէ՛, դաշտին մէջ ան հեռուի ծառերուն մօտ սուխներ կը շողան : Մե-րիններն են անոնք : Ա՛ռ այս երկտողը, վաթթուէ սա ջուանին, իջի՛ր վար, կտրէ՛ զառիվայրը, վագե-լով հասիր հոն և այս երկտողը տուր առաջին ան-դամ տեսած սպայիդ : Շուտ : Մէկդի նետէ՛ մախաղդ :

Տղան մախաղը նետելով ծոցը դրաւ գնդապե-տին տուած թուղթը և պատուհանէն դուրս երկրն-ցած ջուանին վաթթուելով դուրս ցցուեցաւ պա-տուհանէն :

— Քե՛զ տեսնեմ, Վրո՛յր, ըսաւ գնդապետը վերէն — մեր գունդին փրկութիւնը կապուած է քու սրունքներէդ և ճարապիկութենէդ :

— Անհոգ եղիր, պարոն գնդապետ, — պատաս-խանեց տղան և սկսաւ սահիլ վար :

— Ծոէ՛, վար իջած ատենդ — ըսաւ դարձեալ գնդապետը՝ յիսնապետին հետ ջուանը բռնելով :

— Մի՛ տարակուսիք :

— Աստուած հետդ ըլլայ :

Քանի մը վայրկեանէն Վրոյր գետինն էր ար-դէն, յիսնապետը ջուանը վեր քաշեց և աներեւոյթ եղաւ. գնդապետը անգամ մըն ալ լուսամուտին մօ-տենալով տեսաւ որ տղան վար կը սլանար դարե-ւանդէն :

Մինչդեռ գնդապետը կը յուսար թէ տղան պի-տի կարենար վախչիլ առանց տեսնուելու, յանկարծ նշմարեց որ տղուն ետեւէն և առջեւէն հինգ վեց անգամ փոշիի փոքրիկ ամպեր բարձրացան, յայտնի

եղաւ որ թուրքերը զայն տեսած ըլլալով գնդակներ կ'արձակէին անոր վրայ, և այդ փոշիի ամպերը յա-ռաջ կու գային հողին եկած գնդակներէն, բայց տա-րօնցի տղան կը շարունակէր վազե՛ կարեւորութիւն չտալով թուրքի գնդակներուն :

Գնդապետը ցնցում մը ունեցաւ յանկարծ՝ տեսնելով որ գետին տապալեցաւ տղան : — Սպաննուե-ցաւ, — գոչեց, դէմքը խոժուած, բայց անմիջապէս նորէն ոտքի եխելով տղան շարունակեց իր վազքը :

— Կ'երեւի թէ ոտքը բանի մը անցնելով ինկաւ պատահմամք և նորէն ելաւ ու կ'երթայ, — ըսաւ ինքնիրէն գնդապետը : Երբ տեսաւ որ կաղնիկաղն կ'երթայ տղան, — ուրեմն ոտքը դարձած ըլլալու է մտածեց :

Տղուն չորս կողմը սկսան շատնալ փոշիի ամ-պերը, տղուն վազքը չկեցաւ սակայն, թէեւ քիչ մը գեղևկոտ ու կաղ բայց միշտ կ'երթար ան, կը շարժէր դէպի հեռուի սուխները : Տղան մօտեցաւ անցնց, անցաւ վտանգի գիծը :

Գնդապետը ուրախութեան բացազանչութիւն մը արձակեց, փրկուած էր տղան : Սակայն վայր-կեաններու խնդիր էր իրենց կորուստը, տղան աւելի արագ պէտք է հասնէր և յանձնէր այն թուղթը ո-րով օգնութիւն ինպրած էր գնդապետը իրեններէն, մէկ քանի վայրկեանի ուշացումը իրենց մանն էր բոլորովին : Կամ պէտք է մեռնէին և կամ անձնա-տուր ըլլային թուրքերուն, ինչ որ մեռնէլ կը նշա-նակէր դարձեալ, որովհետեւ հայ վերինները անմի-ջապէս կ'սպաննուէին թուրքերէն :

Տղուն վազքն ու քալուածքը սկսած էին հետպհեաէ աւելի կորանցնել իրենց կանոնաւորու-

թիւնը : Քիչ մը տեղ ուժով վազելէ վերջ կը կենար յանկարծ , յետոյ դանդաղ , կազկաղ շարունակելով քալել նորէն կը վազէր՝ միշտ իյնալու հակամէտ , երբեմն իյնալու պէս ըլլալով յոդնած ձիգեր կընէր ինքինքը հաւաքելու :

— Անպատճառ գնդակ մը դպած է այս տղուն , կ'ըսէր գնդապետը , անձկութեամբ զիաելով տղուն գնացքք : Եւ իրեւ թէ տղան լսէր իր ըսածները , հեռուներէն , գնդապետը կը խրախուսէր վայն ինքնիրենը խօսելով անոր .

— Արեւդ սիրեմ , քիչ մ'ալ , անուշիկ կորիւնս :

Բայց գնդակները անդադար կը սուրային տըղուն ետեւէն և գնդակներէն բարձրացող բուռ բուռ փոշիները հովը կը տանէր ցանել անտէր մնացած ցորենի արտերուն , հայկական քրտինքներու ծովերուն վրայ :

Միենոյն ատեն դժոխքի էր վերածուած մերիններուն ապաստանած տունը : Տանիքի կղմինտրները գնդակներէն աւլուած , ամէն կողմը ծակծկած և փլիլած , մեռածներ , վիրաւորներ ծածկուած փոշիներու տակ , օրհասական կատաղի կոխւ , հայույնք , աղաղակ :

Այդ միջոցին սպայ մը գնդապետին մօտենաւով լսաւ որ թուրքերը առանց գաղրեցնելու կրակը , ճերմակ դրօշ կ'երերցնեն որպէսզի անձնատուր ըւրանք իրենց :

— Պատասխան մի տաք , — պուաց խմբապետը առանց նայուածքը հեռացնելու վրոյրէն որուն երերալը կը նշմարուէր հեռուն և որ կարծես չէր քալեր ալ , ինքինը կը քաշքշէր դժուարով :

— Քա՛լէ , շարժէ քիչ մը անպիտա՞ն , կ'ըսէր

գնդապետը ակռաները սեղմելով .— սատկէ , մեռի՛ր , բայց քալէ :

Յետոյ սոսկալի անէծք մը հանեց բերնէն :  
— Վայ , խայտառակ ծո՛յլ , նստա՛ւ :

Նոյն պահուն տղուն գլուխը անյայտացաւ բոլորովին ցորենի արտերուն մէջ , բայց վայրկեան մը վերջ նորէն երեւնալով վերջապէս ծածկուեցաւ մացառներուն ետև ա՛լ չերենալու պայմանաւ :

Հոն գործ չունէր այլեւս գնդապետը , թափով մը վար իջաւ , բայց գնդակներու տեղատարափ մը կը թափէր շէնքին վրայ , տունը լեցուած էր վիրաւորներով և մեռածներով , կիսամեռները կ'ոռնային կը պոռային ցաւերէն , վիրաւորուածներէն ոմանք գինովի կամ խենթի պէս վեր վար կը վազվատէին , պատերն ու գետինները ներկուած էին արիւնով , տեղակալին աջ բազուկը ջախջախուած էր գնդակով մը , դոներուն առջեւը լեցուած էր դիակներով , իսկ ծուխն ու փոշին թոյլ չէին տար որ մարդ յստակ տեսնէ իր շուրջը :

— Քաջութիւն , պուաց գնդապետը վինուորներուն , — անմիջապէս պիտի հանի օգնութիւնը , արիացէք , քիչ մըն ալ :

Թուրքերը աւելի մօտեցած էին տունին , վարը ծուխերուն մէջ կը տեսնուէին անոնց ժանտատեսիլ գէմքերը և կը լսուէին վայրենի ձայներ ուրոնք կը հրամայէին անձնատուր ըլլալ :

Մերիններուն գիմադրական ուժը սպառելու վրայ էր այլեւս , մահն ու վհատութիւնը մօտեցած էին տունին : Քանի մը վայրկեան դաղրեցաւ թուրքական կրակը , և տիրող լոռութեան մէջ բարձրացաւ

թուրքի մը բարբարոս ձայնը որ կը պոռար թուրքերէն բառերով,

— Անձնատուր եղէք :

— Ո՛չ, պոռաց գնդապետը պատուհանէ մը : Եւ երկու կողմէն կը առաջաւ աւելի խիտ և աւելի սաստիկ :

Ուրիշ զինուորներ ալ ինկան : Արդէն քանի մը պատուհաններ անպաշտպան էին մնացած : Մօտեցած էր աղէտաւոր վայրկեանը : Գնդապետը բըռունցքը ու ակուները սեղմած կը պոռար կտրտուած ձայնով .— Զեն հասնիր, և կատաղօրէն մէկ պատէն միւսը կ'երթեւեկէր, ձեռքը սուրին կը տանէր անձնասպանութիւն մտածելով երբ յիսնապետ մը ձեղունէն իջնելով պոռաց բարձրածայն, — կը հասնին, կը հասնին : — Այո՛, հասած են մերինները, կրկնեց գնդապետը ուրախութիւնով :

Այս աղաղակին վրայ, ամէնքը, առողջ, վիրաւոր, զինուոր, սպայ, յիսնապետ վազեցին դէպի պատուհանը, անգամ մը եւս սաստկացնելու համար դիմադրութիւնը :

Վայրկեան մը յետոյ վարանում մը և խառնակութեան սկզբնաւորութիւն մը տեսնուեցաւ թուրքերուն մէջ : Անմիջապէս, գնդապետը գունդ մը կազմեց ստորերկեալ սենեակին մէջ, սուխնները հրացաններուն անցնելով դուրս ելան և խոյացան թշնամիներուն վրայ :

Բայց հազիւ դուրս ելած էին մերինները երբ տեսան որ հայ կամաւորներու բազմութիւն մը «կեցցէ» պոռալով կը վազէ առաջ :

Թուրքերը շուարած վախուստի դիմեցին ապատելու համար հոգինին : Տունը ապատած էր ար-

դէն և հայկական հետեւակաղօրքի երկու վաշտեր և երկու թնթանօթներ կ'իշխէին բարձրաւանդակին վրայ :

Գնդապետը մնացած զօրքը իր գունդին հետիւանելով հետապնդեց թշնամին, հալածելով և կոտորելով վրայ :

Օրը վերջացաւ մերիններուն յաղթանակով : Յաջորդ օրը, գնդապետը անհրաժեշտ զինուուրական կարգադրութիւնները ընելէ վերջ գնաց այն հիւանդանոցը ուր տարուած էին նախորդ օրուան վիրաւորները : Լեռան կողին վրայ, գեղեցիկ պուրակի մը մէջ վայտաշէն ամառնային ընդարձակ մէկ յարկէն հիւանդանոց մըն էր ուր կը դարմանուէին հարիւրյիսունի չափ հիւանդները : Վայրին խաղաղութիւնը, օդին զովութիւնը, շէնքին մաքրութիւնը և գործին նուրիուած հայ տիկիններու և օրիորդներու արտաքին խնամքը քաղցրացուցած էին այդ ցաւի տունը : Մեզուաջան աշխատանք կար ներսը, չորս բժիշկներ իրենց օգնականներով և հետեւորդներով չորս խումբ կազմած անկողին անկողին կը շարունակէին իրենց գարմանումի աշխատանքը . գթութեան սպասաւորներ, բամպակ վիրակապ և գեղի սրուակներ կը հասցնէին ըժիշկներուն : Երբեմն կը լուռէին ցաւատանջ աղաղակներ, բացագանչութիւններ և խոնդիւններ :

Գնդապետը ներս մտնելով, ընդհանուր նայուածք մը պտտցնելէ վերջ, առաջացաւ՝ վինտուելով ծանօթները, մանաւանդ երէկի վիրաւորները : Հազիւ հասած էր անկողիններու հինգերորդ շարքին երբ վոքրիկ գլուխ մը կանչեց զինքը նուաղկոտ ձայնով :

— Պարո՞ն գնդապե՞տ, պարո՞ն գնդապե՞տ :

Զեռքերը ծածկոցէն գուլս ձգած, դժգոյն ու  
նիհարցած տղայ մըն էր սեփ սեւ կայծկլտող աշ-  
քերով։ Տարօնցի տղեկն էր, Վրոյրը որ երեկուան  
յաղթանակը ստեղծեց իր անձնուիրութիւնով և ճար-  
պիկութիւնով։

— Հո՞ս ես դուն, հարցուց գնդապետը զար-  
մացած և խիստ դէմքով։ — Ապրիս, տարօնցի կո-  
րիւն, լաւ կատարեցիր պարտականութիւնդ։

— Զեռքէս, եկածն ըրի, պատասխանեց Վրոյր։

— Վիրաւորուե՞ր ես, ըստ գնդապետը, իր  
վիրաւորուած սպան փնտուելով մօտիկ անկողիննե-  
րուն մէջ։

— Պարոն գնդապետ քսան վայրկեան առաջ  
կը հասնէի եթէ թուրքերը տեսած շըլլային դիս, կա-  
պարները օձերու պէս սուլելով կը վաղէին առջեւէս  
ու ետեւէս, բաւական ատեն կծկոտած վագեցի թէեւ  
բայց նորէն եղաւ ըլլալիքը։ Յանկարծ զգացի որ աչ  
ոտքս չի գործեր, նախ թմրութեան պէս բան մը  
յետոյ սաստիկ ցաւ մը թոյլ չէին տար որ յառաջա-  
նամ ուզածիս պէս։ Ոտքս հետղնետէ կը ծանրանար,  
ամբողջ տափատս ու կօշիկս խիսում եղած էին ա-  
րիւնէն։ Յաւը սրտիս կը վարնէր բայց չէի ուզեր  
ուշադրութիւն գարձնել ցաւին։ Յետոյ ծարաւցայ,  
լեզուս վար կը քաշէին, բերանս կը չորնար և կը  
տապկուէր մարմինս։ Կը վախնայի որ կը մեռնիս  
առանց թուղթը մերիններուն հասցնելու։ Կը մտա-  
ծէի միայն թէ ուշացած ամէն վայրկեան մէյմէկ  
զո՞ն կըխլէ մերիններէն։ Փառք Աստուծոյ սակայն որ  
հասայ նպատակիս, երկոտղը կրցայ յանձնել մերին-  
ներուն։ Ալ հոգս չէր, կ'ուզէր իյնայի, կ'ուզէր մեռ-  
նէի։

— Բայց կ'երեւի բաւական շատ արիւն կոր-

սընցուցիր տղաս, որ տժգուներ ես այդքան, ըստ  
գնդապետը։

Վրոյր ձեռքովը անդին ըրաւ իսկոյն վրայի  
ծածկոցը, իբրեւ պատասխան գնդապետին։



գնդապետը քայլ մը ետ քաշուեցաւ սարսա-  
փած. տղան մէկ ոտք մը միայն ունէր, իսկ միւսը  
կտրուած էր ազգրէն որուն վիրակապերէն արիւն կը  
ծլծլար տակաւին։

Այդ միջոցին հոն եկող գիրուկ գինուորական  
բժիշկը տեսնելով գնդապետը փոքրիկին հետ զբաղած,  
ըստ անոր։

— Շատ կը ցաւիմ, պարոն գնդապետ, այս  
դժբաղդ պատանիին վրայ, շատ դիւրաւ կարելի պիտի  
ըլլար բժշկել իր ոտքը առանց կտրելու, եթէ զար-  
նուելէն վերջ այնքան չարաչար կերպով յոգնեցուցած  
և բռնագատած չըլլար զայն։ Այդ արտակարգ յոգ-  
նութեան պատճառաւ յառաջ եկած սաստիկ բորբո-  
քում մը թշուառ տղեկը զրկեց իր ոտքէն։ Սակայն

շատ արիասիրու տղայ մ'է :

— Ոտքը կտրելու դժնդակ գործողութեան ատեն  
ոչ մէկ ձայն չելաւ իր բերնէն, ոչ ալ արցունքի կա-  
թիլ մը աչքէն : Հայաստանը կրնայ պարծիլ իր այս  
դիւցազն զաւակով : Աքանչելի տղայէ, Աստուած վը-  
կայ :

Գնդապետին աչքերը կայծկլտացին և յառած  
մնացին տարօնցի տղուն, յետոյ ծռելով բռնեց ծած-  
կոցը և հայրական հոգածութիւնով ծածկեց տղուն  
վրան :


Եւ այդ խստադէմ զինուորականը որ բնաւ ա-  
նուշ խօսք մը չէր հանած բերնէն իր ստորագամնե-  
րուն համար, ձեռքը զլիարկին տանելով հանեց զայն :

— Պարոն գնդապետ, բացազանչեց տղան յուղ-  
ուած ու գարմացած : — Ի՞նչ կ'ընես պարոն գնդա-  
պետ : Ինձի համար . . .

Գնդապետը սակայն ծունկի եկած կը համբու-  
րէր տղան, ըսելով :

— Ես զինուորական մը, գնդապետ մըն եմ միայն,  
իսկ դուն դիւցազ մ'ես արժանաւոր :

Ու կրկին ու կրկին համբուրեց ճակատը հայ  
կորիւնին :



## ՔԱԶԱՐԻ ԱՆԱՌԱԿԸ

Գիւղին մէջ ամէնքը զիտէին Մանուկ աղբարը :  
աշխատասէր և բարեկեցիկ մարդ մըն էր : Իր ջանա-  
սիրութեան շնորհիւ կրկնապատկած էր հօրմէն ժա-  
ռանդած այգին ու ձիթաստանը՝ հետզհետէ որթա-  
տունկ և ձիթենի տնկելով նոր գնած արտերուն մէջ :

«Անդադար» կը կոչէին զինքը որովհետեւ պա-  
րապ կեցած չունէր բնաւ : Ինքն էր գիւղին ամէնէն  
կանուխ ելողը, և ինքն էր դարձեալ ամէնէն ուշ  
զիւղ մտնողը : Տէրտէրը մութնու լուսուն եկեղեցի  
զացած ատեն անպատճառ պիտի տեսնէր Անդադար  
Մանուկի աշխատանքի երթալը՝ բահն ու օրուան ու-  
տելիքի պարկը իշուն վրայ տեղաւորած ինքն ալ վը-  
րան նստած :

«Աստուծոյ մարդ է» կ'ըսէին զիւղացիները ա-  
ռանց բացառութեան, որովհետեւ Մանուկ աղբարը

ոչ մէկուն հետ վէճ կամ կոիւ չէր ունեցած բնաւ։ Լուր օրերը կամ պարտէզ կ'երթար կամ արտ, իսկ կիրակի օրերը, նոյնքան կանուխ ենելով դարձեալ պէտք էր եկեղեցի երթար, զրաւելու համար իր սովորական տեղը ուր կը կենար մինչեւ «Օքնեալք եղերուք»։ յետոյ ժամուռին հետ դէպի տուն գացած միջոցին զրացիներուն հետ կը խօսակցէր հունձի, բերքերու, հողը պարարտացնելու միջոցներու մասին։

Շատ անգամ բարեկամները կատակի ձեւով կը հարցնէին Մանուկ աղբօր։

— Մարդ աստուծոյ, վիճիլ կոուիլ չե՞ս գիտեր դուն, օր մը վայը զայ պիտի տանի քեզ երբ լուրջ վէճի բռնուխ սէկուն հետ, վարժուած բանդ չէ ուրովինետեւ։

— Վարժուած եմ, վարժուած, կը պատասխանէր Մանուկ աղբար ժպտելով, ես ամէն օր կը կոուիմ հողին հետ, և ի՞նչ կոիւ տեսակ տեսակ ձեւերով որոնք կը փոխուին եղանակին համաձայն։ Հողին հետ եղած կոիւը անուշ շահ կը բերէ, իսկ մարդուն հետ եղածը՝ վնաս։

Գիւղին մէջ այն քիչերէն էր Մանուկ աղբար որոնք դրամ ալ կ'ունենան։ իհարկէ, տարին տասներկու ամիս ոչ իւղը կը պակսէր իր կարասէն ոչ ալ զինին իր տակառներէն։ կովը կաթ կ'ունենար, հաւերը կ'ածէին, և տակաւին պաշարի գուբերը կէս չեղած կու գար գարունը և կը ծաղկէին պտուղի ծառերը։

Մանուկ աղբարը, ծեր մայր մը, կին մը և երեք զաւակներ ունէր որոնցմէ ամէնէն փոքրը միայն մանչ էր Սարգիս անունով։ Հակառակ իր քոյրերու աշխատասէր և հանդարտ բնաւորութեան, Սարգիս

անկարգ էր բոլորովին և չէր սիրեր աշխատանքը։ Օր չկար որ պատիժ կամ յանդիմանութիւն չընդունէր դպրոցէն, շատ անգամ զայն վարժարանէն ճամբելու խորհուրդը եղած էր ուսուցիչներուն մէջ, բայց մօքը աղաչանքներն ու ուսուցիչներու, մէկ ու միւսին բարեացակամութիւնը փրկած էին Սարգիսը այդ մօթալի վտարումէն։

Ինը տարեկան էր Սարգիս բայց տակաւին չէր կրնար կանոնաւոր կարդալ քերականը, աշխատիլ և ուշադիր ըլլալ բանը չէր գիտեր, այսօրուան սովորածը մոռցած կ'ըլլար վաղը, իր ընկերները երրորդ կարգ պիտի անցնէին բայց ինքը առաջին կարգին վրայ հաստատ կեցած էր տակաւին։

Ամէն օր նոր դէպք մը կ'ստեղծէր դպրոցին մէջ, կամ մէկուն ճակատը կը պատուէր, կամ միւսին գրքին կտղմը կը քայքայէր և կամ տղու մը միսը կը խածնէր անպայման։

Խրատ, պատիժ, յորդոր ծեծ չէին ուղղեր բնաւ Սարգիսը։

Մայրը շատ կը տառապէր այդ տղուն վիճակով, շատ ատեն ճարահատ կուլար տղու պէս։ իսկ հայրը ժամանակ չունէր զբաղելու Սարգիսով, քիչ մ'ալ՝ չէր ուզեր մեծ կարեւորութիւն տալ անոր անկարգութիւններուն, խորհելով թէ կը մեծնայ և կը կանոնաւորուի։

— Քիչ մ'ալ ձգեցէք իր վիճակին, ծեծելով մեոցնելէն ոչ մէկ օգուտ չենք ունենար, ես ալ անառակ եմ եղեր պղտիկուց, իհարկէ չի մնար այդպէս ըսելով, — կ'երթար իր բանին։

Այն տարուոյ աշխանավերջին, երբ Մանուկ աղբար իր բոլոր կութքը ներս առած և ծախած էր

աւելորդ ձիթապտուղի բերքը, կիրակի օր մը հարսնիքի հրաւիրուցաւ մօտակայ գիւղէն, ուր կը բնակէր մօրեղբայրը, որու աղջիկը հարս պիտի ըլլար այն իրիկունը:

Մանուկ աղբարը որոշեց երթալ հարսանիքի իր կնոջ և երկու աղջիկներուն հետ որոնք տասնենինգ և տասներկու տարեկան էին, տունը թողով ծեր մայրը Սարգիսն հետ:

Անձրեւոտ իրիկուն մըն էր երբ հարսնեւորները մեկնեցան տունէն դէպի Նոր-Գիւղ՝ հարսնիքի:

Ծնողքին բացակայութենէն օգտուելով, Սարգիս տուն չեկաւ մինչեւ ուշ ատեն: Մեծ մօրը սիրտը կը հատնէր, և փոխն ի փոխ դուռն ու պատուհաննը կ'ենէր տղան փնտուելու և տուն կանչելու համար:

Դուրսը հովը կը սաստկանար և կը ցրտէր հետղհետէ, մամիկին հոգին կը քակուէր ներսը՝ մտահոգութենէն: Գիշեր եղած էր արդէն բայց Սարգիսը մէջտեղ չէր ելած տակաւին: Ծերը չկրնալով դուրս ելնել ինքինքը կ'ուտէր կը քայքայուէր: Ժամը ինն էր երբ Սարգիսը դուռնէն ներս ինկաւ, ցեխերուն մէջ թաթիուած, ձեռքերը կաս կապոյտ, քիթը արիւնած:

Ընկերներուն հետ քարով նշանառութիւն խաղալէ վերջ, վէճի բոնուած կուռած էր անոնց հետ, երկար ատեն փողոցներուն մէջ զիրար հալածուն, զիրար քարկոծած և բղբտած էին իրարու վրա զլուխ: Սարգիս կորսնցուցած էր գօտին ու զիսարկը:

Մամիկը այդ վիճակը տեսնելով և տեղեկանալով անոր, ինկաւ բազմոցի մը վրայ՝ խղճալի վիճակի մէջ և սկսաւ լալ: Յետոյ լացը դադրեցնելով, նիքինքը

շտկեց, լամբով մը սրբեց աչքերը և խոր հառաջանքներու մէջ Սարգիսը դիտելով ըսաւ անոր:

— Մեղք ինծի որ այնքան կը սիրեմ քեզ, դուն զիս սրտաբեկ պիտի դրկես գերեզման: Միրտ ըսուած բանը գոյութիւն չունի կուրծքիդ տակ: Այն պահուն երբ ես մոմ եղած կը վառիմ առջեւդ, դուն օգտուելով հօրդ ու մօրդ բացակայութենէն մինչեւ գիշեր կը քարկոծես ու կը քարկոծուիս որպէսպի այստեսակ անպատիւ վիճակով մը մտնես տուն և լացնես ծեր մեծ մայրդ:

Երանի թէ շուտ մեռնէի և չտեսնէի այն վիճակը որուն կը դիմես այս փոքրիկ հասակէդ: Բոլոր քեզի պէս եղողները վերջ ի վերջոյ տխուր կեանք մը վերջացուցին բանտերու մէջ: Անոնք ալ երբ պզտիկ էին, քեզի պէս կը փախչէին տունէն, գէշ ընկերներու հետ գէշ բաներու վարժուելէ վերջ, օր մը ծեծ, օր մը գրամի կորուատ, օր մը դանակ քաշել, ու ահա բանտը, անպատութեան ու ամօթալի մահ վերջապէս:

— Մեղք չէ մեր պատիւին, հօրդ պարկեշտ անունին որոնք եւս պիտի ցեխուես վազը սա վրայ գլուխիդ պէս՝ մտիկ չնելով մեր խօսքերուն և խրատներուն:

Սարգիս քիչ մը հեռուն, անկողիններու շարքին կոթնած մտիկ կ'ընէր, իր սեւուկ նայուածքը դէպի վար, զլուխը կախած, ցուցամատի եղունգովը փորփորելով բարձի մը մէջի բուրդերը:

— Եւ դո՛ւն ալ պիտի ըլլաս անոնց պէս որոնք գողութիւն կ'ընեն, զիշերները տան մը պատը ծա-

կելով, ախոռէն ոչխարներ տանելով որպէսզի ապրին  
անոնց միսով կամ զինով:

— Մեղք որ դպրոց կ'երթաս և վարժապետնե-  
րուն ուկի խօսքերը կը լսես, մեղք որ հայ պարկեշտ  
և դիւցազն ցեղին պատմութիւնը կ'իմանաս անոնցմէ,  
և հայ անունը կը կրես, Դուն մեր տան պատիւը ա-  
րատաւորելէ յետոյ պիտի արատաւորես նաեւ ազգիդ  
անունը: Մեղք քեզի, մեղք քեզի...

Սարգիս չէր շարժեր տեղէն, կարծես թէ կ'ա-  
խորժէր մամիկին այդ խօսքերէն, իր յանցանքին տե-  
սակ մը թողութիւն կը գտնէր կարծես անոր յան-  
դիմանական խրատներուն մէջ և հու մտիկ կ'ընէր  
այդ խօսքերուն անոնց շարունակուիլը փափաքելու  
երեւոյթով:

Սակայն, մամիկին այդ մտավախութիւնները  
ճիշդ չէին բնաւ, որովհետեւ անազնիւ ու վատ հոգի  
չունէր Սարգիս, չար չէր անոր սիրու: Անկարգ էր  
միայն, արիւնը կեռեւեփէր և չէր կրնար հանդարտ  
նստիլ կամ միտքը կեղրոնացնել որեւէ լուրջ աշխա-  
տանքի մը վրայ: Հայրը սկիզբէն թոյլ էր բռնած այդ  
տղան, անոր մէջ տեսնելով խիզախ և անձնուէր ըլ-  
լալու յատկութիւններ: Միշտ զոհաբերուող և վեհանձն  
եղած էր իր քոյրերուն նկատմամբ: Կը ճանչնար իր  
յանցանքը բայց չէր կրնար ներողութիւն խնդրել կամ  
զզում յայտնել:

Մամիկը ելաւ տեղէն, մաքրեց տղան, փոխեց  
զգեստները և նստեցուց ճաշի:

Ճաշէն յետոյ, պառկեցնելու ատեն մեծ մայրը  
զըկեց Սարգիսը և համբուրելով խնդրեց անկէ որ հը-  
նազանդ ըլլայ այլեւս:

— Մօրդ մայրը լացնելու այդ անաստուած վի-  
ճակդ չտեսնեմ այլեւս, զիտես թէ որքան կը սիրեմ  
քեզ, Սարգիս, և սիրով պիտի զոհէի սա մնացած կը-  
տոր մը կեանքս եթէ փոխէիր ինքզինքդ: Գիշերներով  
անքուն մնացած եմ օրօրոցիդ քով, բազմաթիւ ան-  
գամներ զիրկս տուած եկեղեցի տարած եմ քեզ որպէս-  
զի շնորհք տայ քեզ Աստուած: Հիւանդ եղած ատենդ  
քեզմէ աւելի զգացած եմ ցաւդ և տառապած միշտ:  
Այդ բոլորին սիրուն, կ'աղաչեմ որ փոխուիս, զգա-  
տանաս և բարի զաւակ մը դառնաս:

Սարգիս, մեծ մօրը գիրկին մէջ, անոր սրտի  
հանդարտ զարկերէն և տաքութենէն օրօրուած, խօս-  
քերէն զգածուած մտիկ կ'ընէր հանդարտ, երբ կար-  
ծես թէ տան ախոռին կողմի դուռը ճոնչեց: Սարգիս  
լարեց իր ուշադրութիւնը: Մամիկն ալ լսած էր այդ  
ձայնը բայց դուրսի հովին և անձրեւին աղմուկէն չէր  
կրցած զատորոշել անոր խսկութիւնը:

Դրան ձայնը կրկնուեցաւ, այս անգամ ոտ-  
նածայներուակէս անորոց աղմուկի մը հետ: Սարգիս՝  
խոռված ելաւ մեծ մօրը գիրկին բերանը բացած,  
անշարժ, մտիկ կ'ընէր ամբողջովին ուշադրութեան  
վերածուած:

— Բան չի կայ, հովն է ըստ մամիկը, ուզելով  
վերստին ձեռք առնել իր խրատներու թելը:

— Վարէն ոտնածայներ կու գան, սանդուխին  
երկրորդ աստիճանը ձայն կը հանէ երբ վրան կոխեն,  
երկու անգամ իմացայ այդ ձայնը, մեծ մայր, երկու  
հոգի կան վարը անպատճառ:

Նորէն լառեցաւ սանդուխին ճոխնչը, և այս  
անգամ մամիկն ալ վրդովուելով ձեռքը քովի գա-  
փաղանին երկնցուց ոտքի ենելու համար: Աղմուկ-

ները կը շարունակուէին և կ'որոշուէին այլեւս  
դուրսի անձրեւի ձայնէն։ Թէեւ զգուշաւոր բայց ու-  
ժով ուսքերու քալուածքներ թունդ հանած էին  
տունն ու սրտերը։

Սկսած էին վախնալ մամ ու թոռնիկ։ Ոտնա-  
ձայները վեր կու գային կարծես, շուտով ներս պի-  
տի մտնէին մարդիկը։

— Ո՞վ կայ վարը, հարցուց Սարգիս յանկարծ,  
սարսափած ձայնով։

Վայրկեան մը քար լուռթենէ վերջ երկու  
մարդիկ յանկարծ սենեակէն ներս խոյանալով, մէկը  
պառաւին կոկորդը սեղմեց իսկ միսը տղուն գլուխը  
իր անութին աակ առնելով կաշկանդեց անոր բե-  
րանը՝ որպէսզի չկրնայ ձայն հանել։

Խեղճ պառաւին աչքերը դուրս կը պոռթկային  
կարծես, շունչը բռնուեր և դեփ դեղին խունկի գոյն  
էր առած սարսափէն։

Երրորդ մարդ մըն ալ երեւցաւ, միւսներուն  
պէս այլակերպ դէմքով, դանակ մը բռնած ձեռքին  
մէջ։

Պահ մը ցուրտ լուռթիւն տիրեց տան մէջ։  
Չարագործները նայուածքներով և գլխու շարժումնե-  
րով կը հասկցնէին ինքինքնին իրալու։

Երրորդ աւագակը, մօտեցաւ դարակներուն և  
դանակը ակուներուն մէջ բռնած բացաւ զանոնք,  
յետոյ սնտուկին կափարիչն ալ կոտրելով գայն տակն  
ու վրայ ընելէն վերջ բաներ մը գտաւ իր ծոցն ու  
գրանները լեցնելու։

Շատ կարճ վայրկեաններու մէջ լմնցած այդ  
գործողութիւններէն յետոյ նոյն ոճրագործը կրկին

ձեռք առնելով դանակը նշան ըրաւ ընկերներուն որ  
թողուն պառաւն ու տղան և մեկնին։

Մամիկին կոկորդն ու տղուն բերանը սեղմող  
գողերը յառաջացան դէպի սանդուխ տանող գուռը որ  
վախչին շուտով։

Պառաւը հազիւ ձեռքապատուած ու շունչ ա-  
ռած՝ ճիշ մը արձակեց անմիջապէս, օգնութիւն ա-  
զաղակելով։

Դանակը ձեռքին մէջ պատրաստ բռնած աւա-  
զակը որ ամէնէն վերջն էր մնացած խոյացաւ ան-  
միջապէս պառաւին վրայ, գայունահար ընելու հա-  
մար գայն։ Բայց մարդասպանին հարուածը տալու  
պահուն Սարգիս նետուեցաւ դէպի իր մեծմայրը  
գայն պաշտպանեբու բնազդական ոստումով։

Աւագակը հարուածը տալէ վերջ փախած էր  
ընկերներուն հետ։

Սարգիս, մեծմօրը գրկէն կամաց կամաց վար  
կը սահէր երբ սթափեցաւ պառաւը և Սարգիսին գլու-  
խը շոյելով հարցուց անոր։

— Գացին։

— Այո՛, պատասխանեց Սարգիս տկար հծծիւ-  
նով մը։

— Մարդասպանը սպանել ուզեց զիս բայց պա-  
րապը զնաց հարուածը բարեբաղդաբար։

Սարգիս խորունկ մը տքաց՝ պատասխանի փո-  
խարէն։

— Ա՛ զիս պիտի չլացնես, հա՛ գաւակս։

— Ո՛չ սիրելի մեծմայրս, օրնէ զիս, ներէ ը-  
րածներուս համար, համբուրէ զիս և օրնէ։

— Ես միշտ կ'օբնեմ քեզ, անուշիկ զաւակս։

Բայց ելի՛ր, որ վառեմ լոյսը և գոցենք դռները, ըսեւ-  
լով, պառաւը կ'ուզէր ոտքի հանել Սարգիսը :

Խեղճ տղան թօշնած . լմնցած էր իր ծունկերուն  
վրայ :

Իր մեծ մայրը ազատելու համար, քաջարի տը-  
ղան ինքը ստացած էր դանակի հարուածը և մեռած  
իր վերջին խօսքը արտասանելով — «Օրհնէ՛ զիս» :



# ՄԵՍՐՈՊԵԱՆ

## ԱԶԳԱՅԻՆ ՃԵՄԱՐԱՆ

ՀԻՄՆՈՒՄ 1922

ԽօՏԱ—ՊՈԽՎԱՐԻԱ

Ամբողջ պալքաններու մէջ միակ գիշերօթիկ  
հայ երկրորդական վարժարանն է, որ մասնաւորա-  
բար այս տարի տղգային սեփականութիւն դառնալով  
կը կառավարուի յատուկ ինամակալութեամբ :

ՃԵՄԱՐԱՆԸ հաստատուած Սօֆիայի մօտ  
բավկավո արուսրձանին մէջ, ունի հիանալի օդ, գիշե-  
րօթիկներու համար ամեն հանդստաւէտ պայման-  
ներ, առատ մնունդ, մայրական ինամբ, ծայրայեղ  
մաքրութիւն և հայեցի ու ընդհանուր կրթութիւն։  
Արձանագրութիւնները կ'սկսին ՄԱՅԻՍԻՆ։

ՏԱՐԵԹՈՇԱԿ — լէվո 12000, վճարելի կ մաս-  
նավճարով։

Արձանագրութեան, տղայոց և դրամի փոխադ-  
րութեան համար ամեն դիւրութիւն կը տրուի Պուք-  
րէշի Օժանդակ Խնամակալութեան կողմէ։

B-dul Maria No. 8 București



ՀՀ Ազգային գրադպրան  
NL0224602

2175

# „ՄԱՍԻՄ“

ՌՈՒ ՄԱՆԱՀԱՅ ՀՐԱՏԱՐԱԿՉՈՒԹՅԱՆ ԱՆԱՆՈՒՆ ԸՆԿԵՐՈՒԹԻՒՆ

ԴՐԱՄԱԳԼՈՒԽ ԼԵՅ 500,000

Պուբլիկ, B-dul Maria, Nr. 8

Ընկերութիւնս ամէն ամսու 15-ին և 30-ին հրապարակ կը հանէ մէ, մէկ գիրք 32 էջէ բաղկացեալ:

## ԼՈՅՍ ՏԵՍԱՆ Է

- 1) Տէրն ու ծառան եւ օւրիշ պատմուածքներ
- 2) Սասունցի Դաւիթ
- 3) Մըջիւնները
- 4) Լուսերեսն ու Վարդերեսը եւ Սադարած Աղջիկը
- 5) Ուրախ Հնակարկատը եւ Ոսկիէ Աղջիկը
- 6) Մօրը համար
- 7) Իշու մը յիշատակարանը
- 8) Արեգնաղան
- 9) Գորաը, Հէնզելն ու Գրետելը, Անտառին Տնակը
- 10) Մէկ օրուան թագաւոր

## ՄԱՄՈՒԼԻ ՏԱԿ ԵՆ

- Տորք Անգեղ
- Առիւծի Տղան
- Ռէյնիկէ Աղուէսը
- Գրիմ եղբայրներու հէքեաթները ևն, ևն.

## ՔԱՂՈՒԱԾՆԵՐ ԸՆԿԵՐՈՒԹԵԱՆ ՀԻՄՆԱԿԱՆ ԿԱՆՈՆ ԳՐԵՆ

Յօդ. 7.— Հրատարակել հայ տղոց և պատանիներու համար հայերէն դասագրքեր, գրական գործեր և հանդէսներ. տարածել հայ հասարակութեան խաւերուն մէջ արևմտեան մշակոյթը, ինչպէս նաև ծանօթացնել օտարներուն հարմագոյնութեան:

Հաստատել յատուկ մրցանակ՝ ընկերութեան շահին մէկ մասովը, քաջալերելու համար արժէքաւոր գրական գործերը:

Տպարան „Աստորիա“

București, Tipografia „ASTORIA“ Pictor Luchian No. 14 Tel. 4.3825